

Seorang bayi lelaki, tiga perempuan lahir tahun baharu 2020

Oleh Henry Bating

LABUAN: Kemeriahan Tahun Baharu 2020 bertambah seri kepada keluarga yang menyambut kelahiran ahli keluarga baharu apabila empat bayi, seorang lelaki dan tiga perempuan lahir di Hospital Labuan semalam.

Pengarah Jabatan Kesihatan Labuan Dr Ismuni Bohari berkata, bayi pertama yang merupakan perempuan lahir 7.14 pagi dengan berat 3.16 kilogram.

“Bayi kedua, lelaki dengan

berat 3.59 kilogram lahir jam 7.44 pagi,” katanya.

Sementara yang ketiga, bayi perempuan seberat 2.96 kilogram lahir 3.36 petang disusuli bayi keempat, perempuan lahir 4.49 petang seberat 2.94 kilogram.

Hadir sama menyambut kelahiran empat bayi di hari permulaan 2020 ialah Ahli Parlimen Labuan Datuk Rozman Isli.

Ismuni menambah, keempat-empat bayi tahun baharu 2020 itu lahir dalam keadaan sihat dan normal.



WAD: Rozman (dua kanan) dan Ismuni (dua kiri) bersama salah seorang ibu bayi 2020.